

# Kriteria vir die beoordeling van Streeknuusbriewe

## 1. Primêre doel

- 1.1 Die primêre doel van 'n nuusbrief is om die lopende gebeure in 'n streek en ander Sawa-nuus aan die lede oor te dra. Daar moet dus gepoog word om 'n nuusbrief so gereeld as moontlik te laat verskyn.

## 2. Algemene voorkoms (35%)

- 2.1 Buiteblad: Goed = 5; Gemiddeld = 3; Swak = 1  
2.2 Hoe die inhoud lyk by deurblaai van die blad (bv. kleurvol, fotomateriaal, opskrifte, bladuitleg, dupliseergehalte, kramwerk, ens.): Goed = 5; Gemiddeld = 3 Swak = 1  
2.3 Gebruik van foto's en sketse (foto's moet gepaste byskrifte hê): Gepas = 5; Redelik gepas = 3; Onvanpas = 1  
2.4 Gehalte van foto's en sketse (gesigte van mense moet herkenbaar wees, kleurfoto's en 'clipart' tel nie meer as sw/w nie): Goed = 5; Gemiddeld = 3; Swak = 1  
2.5 Taalgebruik (5-10 foute is gemiddeld, 11 en meer is swak. Let veral op spelling, verstaanbaarheid van sinne, ens. Een woord wat as twee woorde geskryf word, word gemerk, maar tel nie as 'n fout nie.): Goed = 5; Gemiddeld = 3; Swak = 1  
2.6 Proefleeswerk (5 tot 10 foute is gemiddeld en 11 en meer is swak): Goed = 5; Gemiddeld = 3; Swak = 1  
2.7 : Ordelikheid van inhoud (Eerste blad regs is die naam, jaargang, kontaknommers, inhoudsopgawe, die ampsdraers, oordenking, rubrieke se opskrifte, berigte en artikels se opskrifte. Advertensies is op die linkerbladsy, ens): Goed = 5; Gemiddeld = 3; Swak = 1

## 3. Inhoud: Artikels en berigte (60%)

- 3.1 Bevat dit die volgende basiese artikels/berigte? (Minus 1 vir oorgeneem uit ander bron. Erkenning moet verleen word, so nie is dit minus 1)  
3.1.1 Oordenking (4); 3.1.2 Redaksioneel (4); 3.1.3 Voorsitter (4); 3.1.4 Kampnuus (4) 3.1.5 Senior burgers (4); 3.1.6 Jongmense (4); 3.1.7 Kleuters (4); 3.1.8 Verjaarsdae/-herdenkings (4); 3.1.9 Lief en leed (4);  
3.2 Het die ander artikels betrekking op Sawa/buiteluglewe?  
Alles (7); Party (5); Geen (3)  
3.3 Nuuswaardigheid (resentheid) As blad 10 of meer keer per jaar verskyn = 10; 8 of 9 keer = 8; 6 of 7 keer = 6; 4 of 5 keer = 4; minder as 4 keer = 2.  
3.4 Is daar artikels wat Sawa breër bekendstel/promoveer (word bronne gebruik soos terugvoering van vergaderings van die streek, die gebied, die NUB en die Kongres; word inligting vanaf die hoofkantoor deurgegee; word SAWA in breër verband ook bekendgestel? Goed (7); Min (4); Geen (0)

## 4. Advertensies (5%)

- 4.1 Advertensies moet nie artikels oorheers nie  
0-25% Advertensies = 5; 26-50% = 3; 51%+ = 1